

Pagéli in Dialét

Anèda 2010/2011

Edisiò specèla: DECIMO Aniversèri

**TEATRO TAVERNA**

Villa Zammarchi - Via del Popolo - Parma (PR)
Giovedì 28 Aprile 2011 - ore 21

Regia

Maestro Luigi Zammarchi

Coro

"Ar vedors Pasqui"

Direttrice del Coro

Prof.ssa Giovanna Costa

Orchestra

"Le suoniamo a tutti"

Dirige

Libòr ed Bèvor 71

Con la gentile concessione di:


*Bar Locanda, San Benedetto, Dipendenti Sanità,
Zecca, Fraore, DasViquadro, Berceto,
Pareti, Bar Centrale,...*

BEPPE, òt e mès:



Bravo uè uè...n'etòr bèl campionè (l'è orènda mò l'am piasèva!!!), sl'àn pasè atsi stè 'na bèla sorprèsa, st'an tsi stè 'na bèla conferma. St'an pò anca un brùt infortuni ala fè (ah 'na roba cà dopa am scordi...sàt là impòst là morosa ochei...mò altrimenti derogh adrè ala sveltèna a cambièr petnadùra parchè l'omo at pèr un stràs da lavèr sò!!!), e s'ora al cònt dil vòlti in t'an vist 'rivèr ala partida stùf bombè, tra i dù o trì làvòr càt ghè (và bè cat sì vò di pòc napòletà c'làvòra bombè, ma ath ghè miga da lavorèr par cuatòr ah!!!), alènamènt a bàlò, tric, truc, trac, giorgniolò e ètòr balli...atsi dvintè ancòra pù meghòr, e là và miga bè!!! T'al sè cat sat ghè miga dlà pansa dòpa al President ch'il robi chi ag dàn fastidi!!! Ma propria pàr còl mòtiv chì confermèr là bèla anèda dl'an pasè, mòlèr mai 'na partida e mòlèr mai in camp ièn stè 'na gran bèla dimostrasiò d'atacamènt vers la scuedra!!! Pòi mèj 'na sughèda tant par fèr al fenomeno, tant pàr pròver di numòr sènsà sèns o còlp ed tàc o sèlt mòrtèl carpiè tripli axel o rabònni o dòpi pàs: dlà gran sostansa, concretèsa, marùga, e furbisià in t'il sughedi (con clà corsèta modello pista-pòci lì at pèr 'na mariònetta, mò t'et mòv in camp in tnà maniera sublima...àt pèr un compass!!!)...un sugadòr e 'n ragass da applausi!!!

BOBO, òt meno:



sòn stè un brisinè lerògh parchè t'em si simpàtic bombè!!! Eh mò che làvòr Stenterello!!! T'em fè sbudlèr d'al ridor in camp e fòra: con clà corsèta in pònta ed pè da balarèna lì, tric truc e trac, e 'na prestansa fisica cà gh'ò sempòr paura cà'l prim bòf ed vènt àt ciapà su. E l'andris gnan mèl: parchè sà quèlchidò at fa caschèr, ath fè sù me'n lò-lò, vist càt sì delichè me'n Svaroschi!!! Là genta l'ha ga da stèr atènta parchè sl'ath guèrda tròp ath vèna, me minim, 'na contratùra!!! Parò in càmp tegh sèlti (quèsi) sempòr fòra: un po' pr'al gran caratòr e l'esperiença cath ghè, (a pèrta cat'si 'na rasa l'omo!!! atsi sempòr drè piantèrogh d'il bui con ch'ietòr!!! parchè vò al tè tòca, parchè al te tòca miga, parchè tèt pàsa davanti, parchè tèt pasa dardè, parchè l'è trop brùt, tròp gròs, tròp èlt, tròp meghor...mò elooora!!!! nienta in paragò con l'arterio da Oscar ala carèra d'al Cavo...mat'si quesi da podio veh!!!), mò al mè ragass na bèla mà par salterogh fòra la tlà dà còl tòn ed vòsa dà figa d'lègn invèrsa cà tè mis sù ah!!! At rimbambis noietòr, l'arbitri, al pùblich mo sopratùt iavarseri!!! A pèrta i schèrs 'na gran costansa, quesi sèmpòr present e là tò siòra pèrta par porter la Stela a cà ed Gigi tlè fata ala grande!!!

BONGIO, sès:



Chèra al me omè michelin t'èt si manchè bombè st'an veh!!! Vist cl'an pasè t'è fàt la diferènsa...un po' par d'infortuni un po' parchè t'è fàt al bagolò ah??? Finchè as pèrta ed dònì at ghè tùta la me comprensìò, ansi at fè bèn bombè, mò anca s'at vèn a sughèr 'na cuèlca volta la scapa miga veh??? Va beh càt ghè paura dal Corra, cl'è miga sempòr a sughèr...mò sta tranquìl un po'!!! Pò slà rèsta in famija a ghè miga da preòcupèròs ah!!! A t'eva dit prima dl'ultma partida c'a fin a còl momènt lì al tò vòt l'era la sòma d'il partidi cà t'ho vist gnir còl scarpèti...cioè v'una: quindi s'la matematica l'è miga n'opiniò al vòt l'era vò...mò sàs vensèva clà partida lì (es fnivà a puntèg piè) at dèva la suficènsa d'ofisi...e 'csì l'è ste, par cui a sòn stè 'd parola e il pròmissi i van mantgnùdi!!! Mo l'an pròsim cambièr registòr rapidamènt altrimenti a Novèmbòr al President l'ha dit càt vènda pr'un tirò ed bòrsa a Lele Mora pàr fèr al valèt e 'd dònì gnan l'ombra!!!

CÀVO, nòv:



mès vòt in meno parche ormèi l'omo ath ghè 'nararterio clà galòpa mè 'na sciòptèda, un làvòr da Ospisi a sinc stèli (ghera d'il vòlti chi tò compàgn andèvon dal mister...lù al pensèva chi ieròn infortunè...no i vrèvòn di tàp pr'ioèreci!!!), ormèi i s'en ròt il balì anca còl ch'restèva d'i tò cavì, ch'infàti iàn pensè bè 'd scioperèr, ciapèr su baraca e buratè, iàn compati i tò compàgn e iàn preferì vòler dentor al rùd!!! E mèss vòt in meno parchè t'arè mis su dèss o dodòs chilo a forsa 'd magneròt di gol!!!! Beh mò elòdòra!!!! Tsi mèi stè un bòmbèr ah, mò st'an cuand at s'er davanti ala pòrta buio assoluto!!! Di bèi inserimènt, mò in chì momènt lì at sèr decisiv mè un nano càl prova a fèr 'na mùrèda a palavòl, n'al so miga!!!! P'ral rèst parò sò il càpèl, 'na grandisìma anèda: at mò mèi, at reghèl mèi nienta a nisò, 'na personalita, 'n caratòr e na mentalità ch'ien veramènt difìcil da catèr a chi livèl chì (e d'il vòlti àt tràsmitt a tut'i tò compàgn), dardè at sbài quèsi mèi 'na sughèda, e in t'il partidi decisivi a tè fat la diferènsa...e in ch'il partidi lì la diferènsa là fàn i bò dabò!!! Quèsi cuaran't 'an...beh clòneròl subit!!!!

CHECCO, nòv e lode: chèra al me Gesù Crist tò dè miga un brut vòt ah???? At lamentarè miga ah??? Bravo bravo bravo dabò, mòlt mèj d'àn pasè, pòc infòrtuni e (quesi) sèmpòr d'ìl prestasiò da mètòr in cornisa...a dir la vritè ghè d'ìl volti in partida càt pèr "chi l'ha visto?" (a vòlti at pròv d'il robì cà par capiròt agh vòl n'interprete/indòvino, càl conòsa tut i acènt, lengui e dialèt 'dl'univèrs, e che sàt tir 'na scorègia l'à nasa e 't tira fòra cò tè magnè da 'na smàna a stà pèrta!!!), ma quand at pìi la lusa ragass bonnanòta a tùti: at divènt indemoniè, iàvarsèri it ciapèvòn 'gna còl sciòp, i gnivòn fòra dal càmp con di mèl ed tèsta ragass càgh vrèva un Malox gròs mè 'n aeropòrt!!! Aiò vist gènta clà mendichèva al cambi parchè a marchèròt i ghèvon 'na basa adòs chi stevòn gnà in pè!!!



E un much ed gòl mai banèl...pò t'èm piès parchè òrmèi atsi dvintè internasiònèl: un po' belga, un po' portoghès... 'n oriundo insòma. Veh, a tarè miga fàt còl lavòr chì pr'andèr a sughèr in quelc squadrò ed 'netòr paès ah??? No parchè al presidènt l'ha d'it càt venda gnà pàr dùmila Cavàl e dèsmila Gosè!!! La lode lè pr'al gol in diagonèl conrt'al Zecca, pràticamènt al gòl dlà stèla: 'na meraviglia ed velocità, tecnica e precisìo!!!

CRISTIAN, òt: sà Frènk al ghà 'l pè sinistòr pù strèpitòs dal campionè, chilù mè minim al ghà d'averog al premi specièl dlà Giuria!!! Finalmènt rientrè dal'an sabatic, e un gran piàsèr n'al rivedròl (al ghè manchè bombè l'an pasè), vist che un sugadòr e un personàg compàgn al fà pèrta a tùt i efèt d'ìl patrimoni dla Nuova Lamp, dèntòr e fòra dal camp!!! Anca lù impgnè bombè ed sira, par cui miga sèmpòr presènt, ma cuand al ghèra un siòr contribut: al còra miga bombè veh (rasà d'un testò sàt ghis vòia d'aleneròt un cicinè a ghè mèl che Messi...iarbitri i sospèndàrison la partida par manifesta inferiorità dl'etra



scuedra ancòra prima dl'interval), mò cuand al còra e 's p'ia al ghà 'na maruga e di movimènt ragass d'netor pianeta!!! Al dansa insima al balò e al nasconda c'al pera un prestigiatòr... 'na vòlta 'n avarseri al sè fermè e l'ha lasè andèr in porta parchè l'era in completa confusiò...al penseva càl balò al fùs evaporè!!! Tè fàt un cicinè al bagolò vèrs la fè d'ìl campionè: ma a penserògh bè sat fùs tròp costant a cominciaris a preocupèrom cà fùs sucès quel. Inveci s'at vèn 'na vòlta si (e in cla volta l'ì in camp par chi ghèma contra al vèna nùvòl ala svelta) e tri no, e cuand in t'il spogliatoi as pensa c'al vèna miga as presenta, al fà su un casè d'ìl Madòna e a sugher al fa paura, a sòn pù tranquil: parchè l'è fat acsi....e nuetor al vrèma acsi!!!

CORRA, dal sèt al'òt: mè s vòt in meno parchè sò 'dn invidiòs càt ghè gnàn idea...at fè pù kilometri tì in tn'an che 'l Shuttle Columbia in tuta la sò vida dailà!!! Mèi vist 'na volta rabi, incasè, preocupè, scoionè: a tò studiè tut l'an veh, aiò sarchè ed catèr fòra al tò segret, aiò sarchè dèntòr la tò borsa par vedòr sa catèv 'na lampada con dèntòr al Genio...a tò dedichè un sàc ed tèmp d'indagini, intercetasiò e apostamènt....mo gnienta, vigliac sagh lò cavèda!!! At sarè miga la reincarnasiò dal Re Mida ah??? Nò parchè altrimenti al mèt l'ì e cominci a tochèròt in (quès) tut i cantò!!! Mò cuand at andèv in càmp la pagnòta mè'l sòlit tlè sempòr portèda a cà...d'ìl gran movimènt t'al fè miga, mò con cla filosofia chi sicur tsi miga



belisim da vedòr, mò 'dil casèdi tià fè mèi, sèmpòr in tal pòst giùst, e via 'd maruga senza bàli...marc mand continuèr acsi...miga a sugher (oh...acsi la va bè!!!) mò a girèr mè na trotòla!!!!

FABRI, dal sèt al'òt e lode: Gran compliment Fabri (a pensèr a tì am vèn in menta Caronte: quand at vèn a revòr al cancelè dla cà d'ìl Près, ad avisèr ad lasèr ogni speransa ed magnèr pòc a chì 'l vèna dèntòr!!!) sia pàr il tòc ed partidi cà tè fàt, sughèdi sempor còl coltèl tra i dènt, mò còl cà fà la diferensa l'è la tò presensa fòra dal camp: fundamentèla, in tut il situasiò sèmpòr 'na disponibilitè da sgrisòr e sempòr drè dèr 'na ma a tuti i tüt il situasiò...a sarò repetitiv pù avanti (ormèi anca pàr mi l'età da vèc rimbambì l'è riveda, par cui av tocarà pòrter pasiensa) mò la cosa pù bèla da diròr l'è cagh la chèv miga a imaginèr la Nuova Lamp senza la tò



presensa!!! La lode le pàr la crèma muscolèra al pevronsè infuochè càt ghe: mò in do tlè tirèda fòra??? Atlà deda Lucifero in parsònna??? No va beh l'è 'na roba da spavènt: alò drovèda un cicinè 'na volta e, a perta cà sèr infortunè e con cla canlèda l'ì pòdeva fer tri maratòni in stèca con un pas da Kenià senza fèr gnan 'na pigà...ma aiò riscìè 'n ricovòr in ti gran ustionè d'ìl brusòr cà mà fàt gnir!!! Al mè pasè dopa 'na smana!!!

FEDE, nòv e mès: detronisè da "Mastro Lindo Marche" st'an par la Palma ed numòr vò d'l'an, mò sèmpòr n'aneda da ricordèr (ormeì nanò agh t'egh vòl n'Ard Disk esteròn d'ùltimisima generasiò par memòrisèròt tut i bei moment ed chi dèss àn chi). Ormèi còl cà rapresènta còl ragass chì al cosonò a memoria tut i mùr d'il palestri indò l'à sughè la Nuova Lamp da dèss an a stà perta. Tècnica, caratòr, esperiènsa, vòia ed mòler mèi nienta ed vensòr mè fùs la prima pardida càl fà (un po' sfortunè ala fè d'l'an pàr l'infortuni...veh: anca sa st'an at sèr vsè a cà, l'an pròsim ath ghè propia vòia ed ciapèr ancòra d'al frèd???) , e con còl piatò lì (eh che lavòr...am sa cl'UNESCO l'abia dichiarè Patrimoni d'Umanità...i s'èn bèla presentè un team ed studiòs a cà sòva pàr analisèr còl femonèno naturèl chi, mò i glàn miga cavèda: i sèvòn miga clà solusiò dal rebus l'è a cà dal Près e in còl càgh dà da magnèr!!!) autentic incubo ed tut i'avarsèri: ala fè d'na partida vò d'l'etra scuedra par sbài l'a mensionè...beh ghe stè da part di sò compàgn un fuggi-fuggi cal pareva drè river un Tsunami!!!! Cuand tra dèss àn o sò 'ded lì at fnirè ed sughèr at tirarè fòra al segreto 'd cl'erma chi ah??? Mò l'è sòl la punta ed diamant 'dun sugadòr clè parfèt, dèntòr e fòra dal camp!!!



FRÈNK, òt e lode: Sa pòsia parmetròm (av dàgh dàl lè parchè al sò carisma me mèta 'na brisla in sogesiò) vris comincèr da 'n episòdi sucès al San Bendèt: comincia al second temp con ti in camp...vò d'chi ragasòt lì c'ài feva al difensòr (cal ghà mè minin la metà di tò àn e là metà dlà to prestansa) al sè illuminè...l'è tirè fora un mega soris, dlà serie "mò chi èl chilù!!! al me vèda gnà!!!"...mama, pòvòr ragass...as vdevà propia clèva miga capì chi l'era gnù sù: trenta second dòpa l'a provè 'nanticip cal sè catè a sbatòr contra 'na montagna càl sèva gnàn pù indò l'èra, e 'l moment dopa l'a vist la bala dèntòr la porta!!!! E subit dòpa la giredà d'al ciùf al putè in banchèna l'è steda v'una d'il robi pù beli d'l'an!!! Pr'al rest un sugadòr da sgrisòr: al pè sinistòr pù strepitòs ed tüt al campionè (con còl pè lì tèt pòl permetròt ed coròr miga...anca ed càmìnèr poc vamolà!!!) at basta un mès movimènt par mètòr in dificoltà tut i difensòr!!! E pò al gol ed pònta da vint mètòr in t'al sèt contra i Dipendent Sanità a Fontanlè (là bàla là parèva telecòmandèda) con al difensòr e al pòrtèr ch'ian miga ancòra capì cò l'è sucès, l'è stè vò 'd gòl pù bèl dal campionè!!! Par l'an prosim...agh sèma bèla capì ah.... La lode lè par la balònèda in t'il bali al Bobo da vint mètòr in t'al riscaldamènt dlà partida contr'al Zecca: am vèna da butèr via dàl ridòr ancòra adèsa!!!!



FURLO, sèt e lode: Chera al me Furlòt...cò l'è sucès nano??? Tut a post??? No parchè a sòn in aprensìò par d'ù motiv: al prim l'è cà tò vist a sughèr tròp volti st'an (e quindi si t'an miga clòne at sèr miga in vacansa...l'an pasè l'è stè un testa a testa col Corra, mò st'an rispèt a lù at s'è rivè indrè ed dodos gir!!!)...e adiritura (clà roba chi a volti am tira via al sòn ed nòta) in tnà quelca sira at ser gnan trop nigor!!! A t'are miga tachè liti con la to morosa squalèt ah??? Parò a son sicur c'a sat te svèi in t'un mès at scàtènni l'inferòn: at fè pù giti ti cal Corra, il Cavo e n'esercito 'd ansià mis insèma!!! E a sughèr brùto mond cuand at ghè al balò in mesa ai pè si salvì chi può!!! At pèr un bisònt infuriè...sò la testa, èt vè dèntòr al tò micro-cosmo e sò a sportèlèr e a scianchèr tut còl ca't vena incontra (anca i tò compagn, iarbitri, il pòrti...at tir sò tüt!!!), ca pàr gnirogh fòra e pasèr al balò i tò compagn i g'han miga da sbraièròt, da picieròt, da spareròt...i gàn da bombardèròt!!! La lode l'è par la sporteleda-pronti-via càt tè tirè al difensòr dal Barsèi al ritoron: l'è pasè da esor un Spartà incasè nigòr a 'n angiolèt efeminè in t'na frasiò 'd second!!! E la scusa ("...oh, me gnù contra...") l'è stè 'na chicca da anèl dla Nuova Lamp!!!



MAGNO, sèt pù: còl ragass chì st'an al ghe manchè bombè, con 'na prima perta dàl campionè un pò anonima (di vè...i t'aran miga gusè al fasolèt cat porti dentòr il chèlsi ah???? no parchè a fema partir 'na caccia all'uomo cà còla d'Osama Bin Laden la pèra 'na caccia al tesoro d'IRAIA!!!) e l'infortuni gros, c'la tirè via vò di sùgadòr pù bò ch'abia mèi vist sughèr a calcèt e vò di pù bò d'al campionè pasè. Magno lasèma lì ed sughèr a balò pàr piàsèr (at si miga ròt al bàli ed ciaper dal fred e d'il potacièdi ed fangh???) e butèma tüt in til dò o tri scuedri dla scuderia cà mis su il mister??? Cò dit??? Ah pènsèma almeno??? No parchè am piasarìs bombè vèdor ancora la genta d'ietri scuedri ch'in camp là prova a marchèròt ('me fùs 'na casèda), e ala fè dlà partida l'as ricorda gnà sa sèma in t'al Dumila Vundos, in t'al Medioevo o insima a Pandora!!! E complimènt pr'i fiòl a raffica càt si drè mètòr su!!!



MARCHE, dès e lode: Dònca, chèra al me ragass, nà cuelca cosèna a gò da dirtla. E guerda mò ca t'al dig



miga parchè t'si simpatic (e t'em si simpatic bombè), parchè t'si un gran brèv ragass (beh, insòma...forsi...dai fèma miga sèmpor via!!!) o parchè tsi èlt m'en palass e lerògh me'n pòrtò d'na Catedrèla (e là genta csi gròsa lè mei avèrgla amiga), ma sòl e unicamènt parchè tàl si meritè. St'an (e sa tàl digh mì t'èt pòl crèdòr) t'è fat la diferensa: semplicemènt strepitòs, pochìsim eror e nà sicùrèsa quèsi asoluda!!! Ghèra di avarsèri ch'io vist cridèr me di pùte parchè continuevòn a piàntèr d'il cànlèdi vèrs la porta mò vigliac slà 'ndèva dèntor!!! E pò mei 'na buia, mèi 'na parola grama, sèmpor còl soris adòs (e guerda chès sèmpor quand'in

machina con tì a ghera al Pasqui...d'acordì càs goda mò l'è propria csi simpatic??? dònca: tgnù cònt chiv pièsòn il dònì...ah ochei adesà agh son 'rivè!!!), e d'il vòlti a tgnìr chèlòm chi du arterioscleròtic c'è tùròn it sughèvòn davanti, ma con 'na voia ed vensòr clà gniva fora anca dai orèci!!! La lode l'è par la pàreda da Marsià c'at ghè piantè al ritoron contra al Barsèi: l'era un po' 'd temp cà vdèva miga un numòr compàgn...còl clà fat al tir i m'an dèt clè drè ander dal psicològh in terapia tri volti alà smana... 'na marea ed compliment!!!

MARCHÈT SARZI, sèt e mès: anca slà fàt 'na partida e basta al vòt l'è par la disponibilitè in tna



partida decisiva (immagino càl mister a tarà piantè 'na torta mòdèl bombardamènt mediatic par clà partida lì da sfinimènt!!!), con chietor tut montè mò cuand i t'an vist s'en sgonfiè ala svelta, parchè mè sugadòr atsi bò e al scòpri miga mì ed segur, e parchè sà stèva bàs a gò 'na paura catèt la prendis!!! Il problema l'è ca glà chèvaris gna a scapèr parchè at fè i dòsènt alòra e t'em ciàp dopa tri mètor...a perta tüt un grazie l'è doveròs!!!

MAO , un vòt pu ed tuti: parchè star sèmpor a sofrir senza poter sughèr miga l'è la roba pu dura cag sia...



Però sèmpor na presensa positiva, sèmpor na parola ed confort par tutti (in particolar par chi povret ed i averseri...). T'si al capità dna svedre ed mostor e al me reghel par cla stèla chi al podris esor cat fe du minud ed partida par farm vedòr la rimesa laterèla col scavet, che mi l'ò mei vista... Mig sper, e an vris miga ariver ala prosima stèla...


MICHI, dal òt al nòv: oooooooooohhhhhhhh là!!!!!! Adès agh sèma lù!!!! No parchè l'an pasè tèva dè un



vòt un cicinè lerogh veh, adès a l'è propria tut meritè!!! Brèv al me Robben (ti tsi còl giovòn...): nà cuelca bàtùdlèna a vòd eh, mò pr'al rèst 'na stagiò muredà ed prestasiò da manùèl dal calcèt. Sèmpòr un Guru in tlà fèsa difensiva, e pò st'an tè rimis su 'na gran cànlèda: ca pò 's capisa miga, tlà ciàp in tna mànèra càl balò al ciapa d'il traiètòri cà cuand tlà chèrghi nanò i pòrtèr diètri scuedri i sbianchevòn e 's fèvòn di segn dlà crosa!!! Parò dopà 'na marea d'indagini, intercetasiò e apòstamènt, al contreri dal Corra, al tò segrèt mì l'ho scuatè: ien il scarpèti d'oredi dal tempo libero c'at dròv a sughèr, ca t'iarè mis in concia st'istè con 'na

cuelca posiò catèda dèntor na cuelca botiglia ed Ceres!!! Fà na roba: prestlà là al Bobo, cal ghà 'n tir cal pèra un rùt sforse tirè contravènt sòta n'uragà!!! E in càmp dil badiledì 'd maruga...ed sicùr al sugadòr pù còmplet ed clà scuedra chi!!! E anca tì me Fede ormèi par sgnètòt tüt i bèi mòment ed ch'iani chì agh vòl 'nenciclopedia ca v'una gròsa me la Treccani la basta gnà pl'introdusiò!!!

PASQUI, dal òt al nòv: dònca Chèld...stès discòrs caiò fàt al tò compàgn ed merende pòrter. Tal dig miga



parchè at si un gran bèl personag (e l'è vèra)...ma sòn preòcupè vèh!!! e miga poc, a sòn sincer: parchè sàt digh cà tè fàt un gran campionè pò a gò paura càt cominci a fèr al fenomeno da baracò. At imagini bèla a girer con la caminèda da bulèt a proclàmèr "e vai!! a sòn bò bombe!!!". NO!!! Parchè ti (mè ch'ietòr ragass giovòn) at si al futùr ed còl scuadrò chi, e a ghè da vòlèr bàs cà contra la Nuova Lamp l'è par tüt il scuedri la partida d'l an!!! Parò ala fè am mandi a cagher da mi!!! Chis nin frega, pòchi mnèdi parchè t'al si meritè vamolà: bravissim, mèj d'lan pasè, st'an tò vist pù decisiv (l'esperienza in pù la sè vista), mò la roba clà mè piasuda ed pù l'è stè 'l cambiamènt ed mentalità ca tè dimostrè. Sèmpòr present (infortùni a perta), e in camp a brusèr mè 'n falò, a scancrèr, picier, spòrtelèr e a sughèr ala morta mè t'ho vist pòch volti l'an pasè...aiò vist 'n atacamènt (anca in t'il

ròbi picènni) che sinceramènt am spètèv miga, e quindi lè stèda 'na gran sorpresa. Un cicinèn da miorèr dardè (prova a guardèr mè i difendòn Fede e Michi...du o tri lesiò da chilòr e tsi a post!!!) mò avanti csi clè la strada l'è cola giusta!!! In tn'ANSA d'lultòm minùd a ghera scrit c'ath vè n'an a còror drè di Cangùr??? Ath fè bèn bombè, un gròs in bocca al lupo e stà miga preoccuperòt ca la Nuova Lamp l'at speta in t'al Dumila Dodos a bràsa spalanchedi!!!

PÒLI FONTA , sèt pù e lode:



Mès vòt in pù parchè, finalment, mèi tèrdi c'a mèi, a tlè capida!!! T'è gnù in menta d'anderòt a comprèr d'il scarpèti mè Dio comanda!!! Almeno atsi dvintè (legermènt) guardàbil!!! Ma na tirèda d'oreci a gò da fertla!!! At lò bèla dit l'an pasè!!!! Al president l'è infuriè parchè quand'et vèn a magnèr, at magn bombè, mò's vèda gna mò gna un gràm ed pansa a paghèròl!!! A ghò parlè e la polemica l'è rientrèda, mò n'amonisiò con diffida l'è partida par cui mètòr sù di kilo ala svelta altrimènt am sa càt manda a girèr a Tripoli con 'na maièta con su scrit (in arabo, tradusiò in pramsà): "Gheddafi, còl paiàss ed tò fiòl a sughèr a balò al fà caghèr: a ghò fàt òt tunnel e ghò piantè dùmila sbarèdi!!!!". S'apiot regoler!!! La lode l'è pr'il sporteledi e un quelc mès sciafò ca tè tirè appena entrè con còl gòse gnù mèl càl sughèva in t'al Bar Locanda davanti, sul "tànt" a "pòc" par noiètor in tla partida d'andèda...a tò godù bombè!!!

SCHIARO, sèt pù:




Schiaro tsi vò d'iultòm a cui iò fàt la pagèla...a sòn un po' in dificolte, mò'm piès esòr sincèr. Prèmèt c'at si n'istitusiò chi dèntòr, cà tè vèns pù partidi ti cà tut i sugador d'il scuerci ca t'incontri in tnà partida mìs insèma...at si sèmpòr presènt...e a tè fàt 'na gran bèla perta centrèla dal Campionè (e sà tàl digh mi l'è vera), e, roba miga da poc, at si stè al migliòr in camp in v'una d'il partidi pù importanti d'an...l'andèda cont i Dipendènt Sanità. Mo l'inisi e la fè t'em si miga piasù: trop nervòs, trop sbièl, trop polemichi con tüt e tütì pàr 'na parsonna con la tò mentalità, la tò personalità e la tò esperiensa. Cà a ghè d'il vòlti càt perdi la testa par nienta: par un pasàg sbaiè (at si miga Rui Costa!!!), un lànc sbaiè (at si miga Rambo Cuman!!!), un gòl sbaiè (at si miga Totò De Vitis!!!), un contràst sbaiè (at si miga Iron Man Furlòt!!!)...at si miga chilòr ma a sit Sciarèt...e guerdà c'le miga pòc veh!!! O no??? Insgnèròt ath gò da insgneròt nienta, mò an consili t'al dagh: i sugador còi barbìs is vedòn miga il partidi in cui agh vèna tüt, mò 's vedòn in t'il partidi in cui i fàn sbudlèr d'al ridòr parchè n'è glà chèvon gnà a fer un mètor decènt!!! Ti stà sicur (e sta tranquil) cà sàt fè 'na pardida acsì i tò compàgn it diràn mèi gnta, e la cosa ca pensaran la sarà c'al Schiaro l'è un gran difensor...clà semplicemènt sbaiè partida...punto e basta. Sàt mèt in testa clà consapevolèsa chi (e anca sàt si miga pù giovòn t'al sè c'a ghè sèmpor da imparèr) con il tò cualità, al tò palmarès, e la to vòia at fè tòchèr gnà un balò a di putè me minim pàr n'etor pèr ed lustor, senza fèr gnàn 'na piga!!!



TEO, sèt: presènt un tòc ed partida e basta mò 'n gran brèv ragass con la tèsta giusta par dvintèr bò dabò...tèna a mènta còl ch'it disòn ch'ietòr (pò con còl físic lì, sàt mèt su un po' d'esperienza ed maruga a sughèr nano comincia a esòr un problema miga picìe par ch'it suga contra) parò marc mand sta miga anderòg tròp adrè parchè altrimènt chì sfurgonè chi it fan andèr fòra strèda!!!

TOMMY, dal sèt al'òt:



Anca lù present miga bombè mò un bèl contribùt in tri o quatòt partidi pèsi l'à tirè fòra...clè bò as vèda mò lè ancòra un cicinè titubànt, mò ghè da lasèrog al tèmp d'ambienteròs parchè ghè d'il vòlti càs suga ai dosènt alòra e l'è miga facil...àm ricordì dlà gènta c'adèsa ièn di mòstor a sughèr il primi partidi i parèvon gnan normèl. Pò anca lù al pesa vint chilo bàgn, mò s'al comincia a gnìr con dlà costansa (a perta càl tabaca me 'n Sputnik) al fà ala svèlta a mètor su tlà maruga a sughèr e dla chèrna...pò second mi l'è anca vò cà sa ghè da scatlònèr n'es tira miga indrè, par cui super promòs e prònt pr'il nòvi sfidi!!!

PÒLI, dèa a cinc pònti:



Ormei at ciamarèma al Seneca dlà Pianura Padana, a forse ed citasiò càt mandì via esseemmesse a podèma andèr a fèr i suplènt ed Filosofia in t'il scòli!!! Pò atsi dvintè anca un super diretòr sportiv: at fè girèr pù sugador tì cà 'na velenna!!! E po' ormei con còl cà tè vèns at ghè da fèr dò ròbi: la prima l'è rifèr al tò look ah!!! Ath ghè da rivèr ala partida bèl tirè, un bèl vestì gesè con di fòiet in mà, dò paròletì e d'udicasiò ai sugador e

pò basta. La seconda lè mètor sù dù asistent chi fagòn tùt l'òr, e ti dardè col Prèsidènt a pensèr sòl a organisèr al post-partida!!! L'unica cosa cà pòs dir su cla grandisima parsonna chi l'è che al saris impòsibil imaginèr 'na Nuova Lamp senza al sò mister: mò m'ès fà??? A saris mè aldèr a lèt con 'na dòna senza tètì, scatlònèr d'il biri senza sciùma, pasèr 'n invern intrègh col Furlo e il Corra sèmpòr a Pèrma....un pònt ed riferiment fundamentèl par tuti. E pò sèmpòr il ròbi giusti, mèi 'na paròla tant pàr pàrlèr (con còl "...ci staaaaa..." lì a dèr tranquillità in tì moment difìcil d'il partidi), esperiensa, capacità e maruga in tàl gèstir col misto/pisto 'd esaurì, squilibrè, imbambi dal'alcol e tèsti disabitedi chì, con vèramènt na maestria da insgnèr a Covercià...sa pò 'gh và Ulivieri un girèt in catedra còn còl cà te vèns tèt pòl fèr anca ti!!! GRANDISIM!!!!

PRÈS, centdès e lode a cinc pònti d'òrèdi: L'an pasè President (pòsia derèt dal tu Gigi??? nò parchè

Grazie

adesa càt si pluripremiè vò al gà giustamènt da ciapèr miga tròpi confidènsi, pò n'ès sa mèi càtèt là prendi...e in t'al chès agh fag 'na fuga cà pèr un Sputnik, pachè sat mè ciàp con 'na sciàfa am càtòn in Namibia in gròpa a na Girafa!!!) a t'eva promis 'n incoronasiò in Catedrela in mondovisiò, con tut il squadri ed chi d'es an chi invitedi, a brusèr me di falò mò a inchineròs in segn ed sotomisiò...ma a glò miga cavèda a

catèr un pòst adat!!! Aiò pensè a Uestmister a Lòndra, la Sagrada Familia a Barsalonna o a San Pedòr a Ròma, aiò provè anca a prenòtèr al Palass dal Sultà 'd Babilonia...mò i bastarisòn gnà chi post lì: parchè la gratitudine ca clà scuèdra chi l'at dèva làs pò miga cuantifichèr!!! E la tò grandèsa l'as vèda in tut'il robì cat fè: da 'na paca insima ala spàla (pù cà na paca na badilèda), 'na batudà prima dlà partida, dò sbarèdi in càmp, arivèr ali bechèdi da leggenda a cà tòva. Sperèma c'hil

sodisfasiò e il godùdi cat ghè piantè in chì dèss an chi i ripeghon tut i sfòrs, la dedisiò, l'atacamènt e l'afèt càt dimostri vèrs clà mànga ed bagolò chì. E slè csi il tò godudi ièn il robì pù bèli in asolut càt pò regalèr clà squèdra parfèta chi: pù d'il pàroli i pèrlòn i nùmòr e la voia ed vensor, ed mòlèr mèi un mèss balò clè merit d'el president e càl fà perta dal DNA ed tùt i sugadòr, dal pù bò al pù gram, dal pù èlt al pù bas, dal pù bianc al pù bronsè, d'el pù gròs al pù picciè. Un grazie sincer càl fnisa miga da perta ed tuti nisò esclus, parchè senza la tò presensa saris miga stè posìbil tireròs via il sodisfasiò ch'i tuti il parsonni ch'ian partecipè a ch'i dèss an ch'i as tgniran dèntor par tuta la vida!!! GRAZIE GIGI!!!!!!!!!!!!

CLASSIFICA “Hombre del Partido”

- Checco 3 (NL-San Benedetto=7-3 ; NL-Dip.Sanità=8-3 ; NL-Zecca=6-3)
- Beppe 2 (DasViquadro-NL=4-9 ; NL-DasViquadro=8-2)
- Miki 2 (NL-Pareti=6-1 ; NL-Bar Locanda=7-2)
- Fede 2 (NL-Berceto=5-3 ; Zecca-NL=2-5)
- Cristian 2 (Fraore-NL=3-11 ; NL-Bar Centrale=5-4)
- Marche 2 (Bar Centrale-NL=4-14 ; Berceto-NL=1-5)
- Cavo 2 (San Benedetto-NL=4-8 ; Pareti-NL=3-4)
- Schiaro 1 (Dip.Sanità-NL=1-6)
- Pasqui 1 (NL-Fraore=5-3)

10
years